



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

5. Ad imitationem Christi Passi stultus haberi, & existimari desiderat, S.
Ignatius Lojola, Hispanus.

Nutzungsbedingungen

[urn:nbn:de:hbz:466:1-55449](#)

10 SOCIETAS IESV

Quamobrem Præfектus irâ percitus milites increpat, quod hominem insanum ad se adduxissent, & continuò miti jussit. At milites increpatione irritati pugnis taciturnum & calcibus tundunt, varijsque contumelijs, indignum in modum afficiunt. Narrabat postea suis Ignatius, mirabilem quandam se id temporis consolationem percepisse, cum ejus ignominia veniret in mentem, quâ CHRISTVS PATIENS & ad CRVCIFIXIONEM tendens ab Herode ejusque militibus est affectus.

a Nicolaus Orlandinus lib. 1. Hist. Societ. à num. 44. Ribadeneira lib. 1. cap. 12. Masseius lib. 2. cap. 15. Biderman, lib. 1. cap. 6.

V.

AMATOR CRVCIFIXI

*Ad imitationem Christi Stultus haberi,
& existimari desiderat.*

S.
IGNATIVS
LOIOLA
Hispanus.

Q VI appetit derisiones, contumelias & ludibria perpeti, quibus afficiuntur ab insaniente Mundo illi, qui mentis ægritudine & delirio laborant, quales sunt phrenetici, furiosi, insani; is èadem amoris erga CHRISTVM PASSVM flammâ exæstuans, facile in se excitat desiderium ardens, ut STVLTVS habeatur, & existimetur; Quod plurimum condux;

IMITATRIX CRUCIFIXI.

conducere ad perfectionem vite religiose opinabatur IGNATIUS LOIOLA, qui Candidatis SOCIETATIS IESV, quos optabat omnes esse, aut fieri inflammatissimos CRUCIFIXI AMATORES hæc prælegi volebat, & ab ijs identidem recognitari a.

„ DILIGENTER animadvertant oportet, magni faciendo, summiqe menti id esse ducendo in conspectu Creatoris ac Domini Nostri quantum perè juvet ac conferat ad vitæ spiritualis profectum, omnino, & non ex parte abhorre ab omnibus, quæ Mundus amat, & amplectitur, & admittere, & concupiscere totis viribus, quicquid CHRISTVS Dominus noster amavit & amplexus est.

„ Quemadmodum enim mundani homines, qui ea, quæ Mundi sunt sequuntur, & diligunt, & querunt magnum cum diligentia, honores scilicet famam, magni nominis existimationem in terra, sicut Mundus eos edocet: sic, qui procedunt in spiritu, & serio CHRISTVM Dominum nostrum sequuntur, amant, & ardenter exceptant, quæ ijs omnino contraria sunt, indui nimirum eadem veste, ac INSIGNIBVS Domini sui, pro ipsius amore ac reverentiâ.

„ Adeò, ut, si sine offensione ullâ Di-

12 SOCIETAS IESV

„ vinæ Majestatis , & absque proximi
 „ peccato foret , vellent contumelias ,
 „ falsa testimonia , & injurias pati , ac
 „ S T V L T I H A B E R I & E X I S T I M A R I
 „ (nullâ tamen ad id per eos datâ occa-
 „ sione) eò quod exoptant assimilari , &
 „ imitari aliquo modo Creatorem , &
 „ Dominum Nostrum I E S V M C H R I -
 „ S T V M , ejusque vestibus ac I N S I G N I -
 „ B V S indui : quandoquidem illa Ipse ,
 „ propter majorem profectum nostrum
 „ spiritualem induit , nobisque exem-
 „ plum dedit , ut in omnibus , quoad
 „ ejus fieri poterit , Divinâ gratiâ aspi-
 „ rante , Eum imitari & sequi , cùm vera
 „ sit Via , qnæ dicit homines ad vitam ,
 „ velimus .

EXEMPLIO suo in hoc ardentissimo
 desiderio præivit discipulis optimus
 Magister I G N A T I V S , de quo sic Ribadeira b: *Ludibrio omnibus se cupiebat esse ,*
& si animo indulgere suo voluisse , nudus ,
despicatus , & oppletus sordibus , ut I N S A -
N V S haberetur , per vias ambulasset . Sed hunc
humilitatis affectum proximorum utilitas re-
primebat , & caritas . Cui , ut fructuosius
deserviret , auctoritatis etiam sua ac persona
rationem habuit .

Maffeius quoque c: *Quoties ingesta in*
illum convitia & ludibria reputaret apud se ,
non modo rei atrocitate permovebatur , ut
multi , sed etiam accendebat generoso quo-
dam

CVLTRIX CRVCIFIXI. 13

dam imitandi studio , atque in se ipsum, quasi tanti sceleris auctorem acerrimè exar-
descebat . Ac nisi eum cohibusset existima-
tionis ratio propter salutem aliorum , SIMU-
LATA DEMENTIA , ad plebem in se conci-
tandam , nulus , onustusque cornibus , aut
alio fœdo corporis habitu prodire non dubitasset
in publicum , & incessantes cano vel stercore
pueros , vocesque improbas , & omnes alias
insanae multitudinis contumelias libentissimè
pertulisset.

Eiusdem illud fertur monitum amico
datum : *Sis Mundo DEMENS , ut sapias*
Domino , quia quod STVLTVM est DEI Sa-
ientius est hominibus.

P

a In examine cap. 4. 44. Summarij Reg. 11.

b Lib. 5. cap. 3. c Lib. 3. cap. 3.

VI.

AMATOR CRVCIFIXI

Imitatione Christi præ gaudio eligentis
Crucem , Humilitatis gradum
supremum concendit.

IN hoc consistit perfectissima CHRI-
STI PASSI imitatio, atque hominis
Christiani ex amore operantis sum-
ma perfectio , ad quam suos perducere
conabatur IGNATIVS, proponens ijs
tres GRADVS HUMILITATIS ; quorum
Supremum Amatores suos docuit ex-
emplo

6.
IGNATIVS
LOIOLA
Hispanus.